

Bahan asal dari Arkib
Negara Malaysia

Mahathir akan rasmikan sidang belia

10,000 belia seluruh negara akan menyertai Perhimpunan Belia 1982 merayakan perayaan Hari dan Minggu Belia, di Stadium Negara, Sabtu depan.

Perdana Menteri, Datuk Seri Dr. Mahathir Mohamad dijangka merasmikannya.

Temanya ialah 'Belia berdisiplin, Negara progresif'.

Menurut kenyataan Jabatan Penerangan, kemuncak perhimpunan tersebut ialah pelancaran Yayasan Belia Malaysia.

Beberapa pertubuhan dan Kerajaan Negeri akan

KUALA LUMPUR, Sabtu menyerahkan sumbangan kewangan untuk tabung itu.

Upacara gemilang itu akan dihadiri oleh para Menteri Kabinet, duta-duta asing, pemimpin-pemimpin belia dari Pertubuhan Majlis Belia Asia, Menteri-menteri Hal-ehwal Belia Komanwel dan para belia negara Asean, Australia, Fiji, Papua New Guinea, New Zealand, Jepun, Korea dan Sri Lanka.

Menteri Kebudayaan, Belia dan Sukan, Datuk Mokhtar Hashim, akan mengumumkan pemenang pertandingan Anugerah

Kurnia Belia Jaya 1981.

Di samping itu, tambah kenyataan tersebut, beberapa acara termasuk taridra, kawad automatik, seni mempertahankan diri Melayu, China dan Timur Jauh dan demonstrasi membuat rumah dalam masa 20 minit akan dipertunjukkan.

Majlis Belia Malaysia juga mengatur beberapa program di peringkat kebangsaan, termasuk kegiatan dakwah, bengkel dan pertandingan.

Perayaan Hari dan Minggu Belia juga disambut di semua negeri.